

Tuhaararhaq

Ikayuqatiriingniq Pipkainahuangningmun Uyararhiuqtuni Piutigitni Ilinnianguangningmun Uqaqtauyuq

Ikaluqtuutiaq, Nunavut (Nuuvaipa 27, 2007mi) – Kitikmeot Inuit Katimayiinggita, Kitikmeot Pivalliyuliyiqyikkut Katimayiinggita, Miramar Hope Baykut., Nunavut Ukiuqtaqtumi Iihakvikyuaq Ilinniaqtuliyiqyikkutlu ilaunialiqutut Qangghiliringningmun anggiqatiriiplutik pivalliarutjutighanik ikayuyuqtunik ilinnianguangningmun, havaaniklu ihivriungningmun, ilihangningmutlu uyararhiuqtut havaagitnik. Qangghiliringningmun pivalliatjutihungguayaitlu pivalliatjutighanik naunaiyaqtitaqlutik qanurittuuyaaghannik havaaghat, havalipallialiqlutik ilihangminit, titiqqimik inniqtigutainnik ilauyumayutlu qanuq pikaqtughat pivalliatjutighanik pivalliyagiami ayungnaittumik ikayuutighanik sikuulihaaliqtunit grade 12mut iningniitnut ilinnianguangningmun.

“Ikayuqatiriingniq nunatlaanit, Inuinnait katimayiinggita, kavamatkut ikayuqtiuyutlu havaatigut ikayuqtiuniangmatta pipkainangmun Nunavunmiunut “amigaikyuummiqlurit maniliungningmun pivallianingmun anggiklivalialiqlutik qanuriliurutigitni” uqaqtuq Minista Ilinniaqtuliyiqyikkutni, Ed Picco. “Talvani ihivriungnitigut upalugaiyaiyiningmutlu tapkuangguyut Nunavut Nunallaani Havaaghanut Ilinniaqlutik Nalunaiyaiyit pilihaaqtut ilitturiyauplutik kanatap tamaani Nakuunahuangningmun. Nunavut Nunallaani Havaaghanut Ilinniaqlutik Nalunaiyaiyit piriaqtittiniaqtut nunallaani ikayungnahuaqlurit Nunavunmiut piumapkainahuqlurit havaaghanut naunaiklutik humi havaariyummiirialrit ilinniarutighanggitlu. Nunavut Nunallaani Havaaghanut Ilinniaqlutik Nalunaiyaiyit tunihiniaqtut nalunaitkutighannik aviktughimavian ilinnianguangningmun katimayalangganik naunairiagannik qanurittunik ilihaqtuqhauyughanik naunaiklutik, humilu qakurulu”, uqaqtuq Picco.

Donald Haviyak, Anggayuqqaq Kitikmeot Inuinnait Katimayiinggitani, uqaqtuq: “Aviktughimavikput ayughautikanggittut amigailighutik inuit ilihaghutik havaqpangmattaluunniit uyararhiungningmun uqiuni qaffini. Hamna ikayuqatiriingniq ilautautjutiginianmat ikayuutauniaqtuq piumayaptingnik pipkailugit Inuinnait maniliungniangmatta pivalliatjutimit.

Hivulliqpaaq pitjutighaq aullaqtingniaqtuq nutaap anggigutaani imaa ittuk manighaaghat katitriplugit pivallianialighutik ataanip nunaup ilihaglutik uyararhiuqtuni aullaqtingniapluni Nutaaq Uqiuk atulihaaliqqat. Hamna pivalliaavighak ikayuutauyuq Kitikmeot aviktughimavianut uyararhiuqviit ataanunggainnaqpangmatta imaalu pipkainiangmatlu Kitikmeot inuutainnut ayunggillutiklu havaanggitnik titiqqinik pikaliqlutiklu havariamingnik Doris North uyararhiuqviatni ahiniluunniit.

“Miramartkut ukpiriyaat imaa’ uvvarut pitjutittaaqtaqqut aviktughimavianut amigaikyuummiqlutiklu havaaghanik pipkainahuaghugit pivalliakuplugitlu ilinnianguangningmun ilihangningmutlu havaaghanut Nunavutmi, talvulluanut uataani Kitimeotmi, uqaqtuq Tony Walsh, Miramarkut Anggayuqqaanggat. “Uvvagut takuliqpaqtavut tunihiningmut haffuumma

mighaatigut maniliurutaungmat talvani aviktughimaviani. Aliahuqpiagtugut ilaugapta nakuunahuangningmun pinahuagapta ikayukqattangniaraptalu havaaghanik Nunavutmut, tapkualluamut inniktigiyañnut ilihagutainnik.”

-30-

Naunaikyuummigumaguvit:

Bruce Rigby
Ilinniaqtuliqiyikkut
867-975-5619

Fred Elias
Kitikmeot Inunnait Katimayiinggita
867-983-2458

Alex Buchan
Miramar Hope Bay Ltd.
604-759-3450

